



SIUMUT INATSISARTUNI ILAASORTAATITAT / LANDSTINGSGRUPPEN

Inatsisartut suleriaasianni § 36, immikkoortoq 1 naapertorlugu Naalakkersuisunut apeqqutit imaatut saqqummiuppakka:

§ 36, imm. 1 Naalakkersuisunut apeqqummut “kommunit isumaqatigiissuteqarfingeqarsimanersut Illuut A/S pillugu”

(Inatsisartuni ilaasorta, Per Berthelsen SIUMUT)

Tunnngavilersuut:

Sooq kingusinaartoqarneranik Tunnngavilersorneqanngitsumik ulluni qulingiluani kingusinaartumik 12. november saaffiginnissuternut akissummik tigusaqarpunga, soqutigalugulu atuarsimavara.

Isumaga naapertorlugu nassiussarsiara nipangersaataannaavoq, akissuteqaammimi apeqqutit akineqanngivimmataluunniit.

Taamaattumik apeqquteqaqqinnissara pisariaqartilersimavara qinnuigissallusilu tamakkiisumik akeqqullusi Naalakkersuisut akisussaatinneqarsinnaanerannut inatsimmi § 6, imm. 2 ataqqalugu.

Apeqqummi aallaaviuvoq kina eqqortumik kinalu eqqunngitsumik isumaqatigiittoqarsimasoqarneraanermik oqaaseqarluni illuut A/S-ip kommunillu akorneranni oqalunnersoq.

Inatsisartut ataatsimiittarfianni oqallittoqarnerata nalaanni ima oqaaseqartoqarpoq:

- 1) ***“Isumaqatigiissuteqartoqarpoq”***
- 2) Ataatsimiinnermi unillatsiartoqareersoq Naalakkersuisoq alla ima oqaaseqarpoq: ***oqaasiinnaartigut isumaqatigiissuteqartoqarpoq”***

Inooqataaffigisinnaavara akissutit taakku ataqatigiisisinnaallugillu naammagalugulu, taamaattorli Naalakkersuisuni aamma alla ima oqaaseqartoqarpoq: 3) ***“isumaqatigiissuteqartoqanngiivippoq”***.

Tassanilu paasisassaajunnaarpoq. Imaakkamimi 1) aamma 2) akerleriinngikkunik taava 3) toqqaannartumik sallusimassaaq oqaaseqarnerami 1)-imut 2)-mullu akerleriipput. Piaaralunilu



SIUMUT INATSISARTUNI ILAASORTAATITAT / LANDSTINGSGRUPPEN

kukkusumik paasissutissiineq Inatsisartut inatsisaannut unioqqutitsineruvoq soorlu akissummi issuarneqartoq.

- 3) eqqortumik oqaaseqarsimaguni, aap – taava 1) aamma 2) eqqunngitsumik oqaaseqarsimassapput, taamaalillunilu marluk inatsisut unioqqutillugit iliusseqarsimassapput.

Maannalu apeqqutigisimasannut akissummik eqqortumik piumasqaateqarpunga.

Naalakkersuisunullu una apeqqutigeqqillugu: Kina eqqortumik oqaluppa, kinalu eqqunngitsumik oqaluppa?

Ataasiinnarmi kisiat immaqaluunniit marluk eqqortumik oqaaseqarsimassapput, isumaqatigiissutigisinnaavarpummi oqaaseqartut pingasut taama isumaqatigiinngitsigisunik oqaaseqareerlutik tamarmik ataatsikkut pisumut ataatsimut eqqortumik oqaaseqarsimanaviannngitsut, pisumi marluk “angeramik”, ataaseq “naaggaartoq” kommunit Illuut A/S-imut tunngasumik isumaqatigiissuteqartoqarsimaneraanermik apeqqummut, kommunit kattuffiata KANUKOKA-p siulittaasuannit akerlilerneqartumut.

Eqqaasitsissutigissavara ullut qulit atorlugit akissuteqartoqareersimassammat, kingusinaarlunilu akissuteqartoqarniartillugu pisussaaffiummat paasissutissiinissamik qaqugukkut akissut naatsorsuutigineqarsinnaanersoq, akissut ullut qulit suliffiit atorlugit akineqarsinnaanngikkaanngat.